

西北史地文獻 第二十卷

中國西北文獻叢書



中國西北文獻叢書·第三輯

西北史地文獻

第二十卷



新學堂
藏書

PDG

目錄

皇朝藩部要略

清 祁韻士

三

綏新勘路報告

民國 尤寅照

三二九

西北籌邊要言

民國 丁耀奎

三五九

皇朝藩部要略

附表四卷

光緒十年冬月
浙江書局校槧

原版本規格

開本二九三×一六五毫米
版芯一七二×一三三毫米

皇朝藩部要略序

鶴臬大前輩之在翰林也歷年最久當被

命爲蒙古同部諸王公列傳皆內檢黃冊外譯舌人僅能通曉久而後成蓋先生於蒙古同部之事盡勞勩矣既進呈爲

欽定蒙古王公列傳編之四庫先生之爲是書也先以年月日編次條其歸附之先後叛服之始終封爵之次第以爲綱領而後分標各藩之事跡而爲之傳名曰藩部要略是傳仿史記而要略仿通鑑也清父學使視學江左行轅在江陰而兆洛忝主講席因進見叩鶴臬先皇朝藩部要略序

生諸書學使因以西陲要略西域釋地見賜而曰藩部要略尙未刻也兆洛因請而讀之既卒業謹拜首稽首作而言曰軼生伏几案終世佔畢矇然不能見五帝三王之盛德大業炳耀宇宙其度量所存心志所及不知若何其大且遠也乃於此而恍然遇之

皇天眷佑有清懋篤

世德全付以覆燾之下所有疆土無內外弼成大一統之規亦惟

列聖追配皇煌帝諦之盛業長駕遠馭用宏茲賁承平晏安三百年於今翼子貽孫君臣同慶以享天之福逮

三代以下之極軌夫豈拘學之士井蛙之識所得窺其運量哉

太祖高皇帝撫有科爾沁札賚特杜爾伯特郭爾羅斯太宗文皇帝綏定奈曼巴林札嚕特喀喇沁土默特敖漢四子部落茂明安烏喇特阿嚕科爾沁翁牛特克什克騰烏珠穆沁浩齊特蘇尼特阿巴噶鄂爾多斯

世祖章皇帝又納喀爾喀右翼

聖祖仁皇帝又納阿巴哈納爾而內札薩克四十九旗備乃平喀爾喀厄魯特土爾扈特西藏和碩特四部

世宗憲皇帝以西藏編設札薩克

皇朝藩部要略序

二

高宗純皇帝平杜爾伯特皆編設佐領編以旗分其於諸藩也容之如天地養之如父母照之如日月威之如雷霆飢則哺之寒則衣之來則懷之勞則勞之患則拯之量材而授任疏之以爵土分之以人民教之以字畜申之以制度一民尺土天子無所利焉寸賞斗罰天子無有私焉修其教不易其俗齊其政不易其宜曠然更始而不驚靡然向風而自化雖背恩悖義如騰機思和囉理羅卜藏丹津阿睦爾撒納等叛則討之遁則宥之降則舍之甚至噶爾丹之爲患邊圉屢次突犯敗困力竭逃無所往猶拳拳賜書招徠開布誠信許以不死蓋

所以求服其心者諄諄無已也

仁皇帝以喀爾喀諸部逼於厄魯特率眾歸附矜其窮
阨發倉儲以賑其乏賜白金茶布以給其用買牲畜以
資其生使皆得其所

純皇帝以土爾扈特逼於俄羅斯率眾來歸賜馬牛羊
二十餘萬屯粟四萬石革裘五六萬領布棉十餘萬帳
千具至者如歸而費

國帑皆百餘萬

上以此感下以此應服教畏威懷德之恩千萬年曷有
極哉先生此書

皇朝藩部要略

序

三

皇朝數百年以來所以綏養藩服者無不綜具其緣起
悉載著

列聖恩德之所由隆明威之所以昇恍然造化之亭毒
皇極之相協如讀蓬皇之書睹鴻蒙開闢之規模焉烏
可不令承學之士聞所未聞見所未見了然於天人之
故哉道光十九年冬十月館後學武進李兆洛書於暨
陽書院之輩學齋

皇朝藩部要略卷之一

前史官壽陽 祁韻士 纂

寶山 毛嶽生 編次

江陰 宋景昌 校寫

平定 張 穆 覆審

內蒙古要略一

蒙古元裔也元之亡其子孫之在漠南北者百餘部率
更迭為盛衰內蒙古皆漠南諸部之近我者科爾沁部
六札薩克及札賚特杜爾伯特郭爾羅斯阿魯科爾沁
四子部落茂明安烏喇特八部十六旗與阿拉善青海
皇朝藩部要略 卷之一 一 筠嶽山房

兩厄魯特其始祖為元太祖弟哈布圖哈薩爾阿巴噶
阿巴哈納爾二部四旗其始祖為元太祖弟布格博勒
格圖翁牛特部二旗其始祖為元太祖弟諤楚因其土
默特右翼一旗及歸化城之間散輔國公皆元太祖十
六世孫阿爾坦裔其浩齊特蘇尼特烏珠穆沁敖漢奈
曼鄂爾多斯札魯特巴林克什克騰喀爾喀十部二十
二旗與外喀爾喀同祖皆元太祖十五世孫達延車臣
汗裔也皆姓博爾濟吉特惟喀喇沁及土默特左翼二
部四旗為元太祖臣濟拉瑪之裔則姓烏梁罕是為內
札薩克四十九旗其察哈爾八旗及歸化城土默特二

旗其初雖亦元裔掌之今皆治以京員與在京之八旗蒙古相等不設札薩克初蒙古有強部三曰察哈爾曰喀爾喀曰衛拉特後聲轉爲厄魯特明洪熙間科爾沁爲厄魯特所破避居嫩江以同族先有阿魯科爾沁乃號嫩科爾沁以自別與札賚特杜爾伯特郭爾羅斯皆服屬於察哈爾其始得接於我也

太祖高皇帝癸巳年時葉赫部貝勒布齋與我爲難率哈達烏拉輝發錫伯卦爾察珠舍哩訥殷科爾沁凡九部合兵三萬分三路來侵先攻札喀城不克退攻赫濟格城陳於城外古塔山下

皇朝藩部要略

卷之一

二

筠溪山房

太祖論諸將曰彼雖眾皆烏合我以逸待勞傷其一二台吉眾自潰

命巴圖魯額亦都率百騎挑戰葉赫貝勒布齋科爾沁貝勒翁果岱莽古斯明安突而前我軍迎擊大敗之斬布齋明安馬蹶裸以遁追至哈達部柴河寨南俘獲甚眾明年春科爾沁遣使通好使進駝馬來朝戊申三月我師征烏拉部圍宜罕阿林城科爾沁貝勒翁果岱復與合兵拒我不敢戰而還

天命二年二月科爾沁貝勒明安來朝先是壬子年明安以女歸

太祖其朝也

太祖迎於百里外富爾簡圖明安獻駝十馬牛百

太祖優禮之

賜戶四十甲四十

四年七月丁未我兵克明鐵嶺城其夜喀爾喀貝勒齋賽札魯特貝勒巴克台吉色本等共引兵萬餘伏稭田以伺我大貝勒擊敗之追至遼河大破斬之擒齋賽及其二子色特希勒克什克圖與札魯特部巴克色本兄弟科爾沁台吉桑噶爾先是

太祖夜寢夢天鵝白鶴及眾鳥翱翔上下羅之得白鶴

皇朝藩部要略

卷之一

三

筠溪山房

一呼曰得齋賽矣

太祖覺翼日

告諸貝勒皆曰此吉兆也未幾我大貝勒果獲齋賽既班師

諭諸貝勒曰我畜齋賽於此而殄其兵彼所畜人民畜產恐爲他部攘而取之不如縱所擒兵五百餘人還其國其冬喀爾喀眾貝勒遣使來告合謀并力於明因遣使與其部長會盟

五年正月察哈爾林丹汗以書來詞意驕倖上報書切責之三月己卯釋札魯特部色本還其國并

賁以裘帶鞍馬。色本誓曰。若不感恩圖報。殃及臣身。

六年三月乙卯。克明藩陽。越六日。喀爾喀部卓哩克圖等二千餘騎。乘我兵取遼陽。來略藩陽財粟。我駐守兵擊之。擒三十人。斬二十四人。縱六人持書歸。責其罪。八月甲申。釋齋賽還其國。其部人以牲畜一萬來贖。又以二子一女爲質。以質女爲大貝勒代善妃。冬十一月。喀爾喀部台吉古爾布什。莽古勒。率眾六百戶。并驅畜產來歸。

太祖以女妻古爾布什。

賜號青卓呢克圖。滿洲蒙古牛象各一。又以族弟濟伯。皇朝藩部要略卷之一
四 筠溪山房

哩女。妻莽古勒。並授總兵官。

七年二月壬午。宴勞烏嚕特部貝勒等。是月。喀爾喀貝勒錫爾綽納克。及台吉等。率所屬三千餘戶。並驅畜產來歸。

賜賚授職有差。

八年正月。喀爾喀台吉拉布什希布等。率所屬。及別屯蒙古凡五百戶來歸。

賜如前。初。札嚕特部貝勒巴克被擒。其子鄂齊爾桑來質。釋之歸。及是來朝。

太祖嘉其誠。並釋其子與偕還。而其部長昂安忠嫩等。

先後以兵劫我使臣所齎。及使其部貝勒色本者。因

命台吉阿巴泰等往征。乘夜疾行。四月庚寅。過羅地。渡遼河。前鋒達音布。率精銳二百人。先至額爾格勒地。知爲昂安所屬。略地而前。攻及其所居。昂安攜妻及二十餘人將遁。雅希禪博爾進擊之。盡獲其妻孥畜產。又執貝勒忠嫩子桑圖。妻子而還。桑圖以書謝。遂來朝。命歸其妻子。六月。撫慰蒙古諸部長。

九年二月。遣侍臣希福。與科爾沁部長會盟。其部長奧巴以書請曰。嫩江水濱。科爾沁台吉等。聞諭皆欽服。何以修好。其定大業。惟

皇朝藩部要略卷之一

五 筠溪山房

帝命。無敢敗約。但察哈爾及喀爾喀。知我歸附。必見掠。乞賜援。

允之。奧巴。翁果倍子也。

十年十一月乙卯。發兵援科爾沁。時察哈爾林丹汗。糾喀爾喀掠其地。奧巴遣使來告急。

上親往援。閱兵開原北關。簡精騎五千。

命三貝勒。四貝勒。及台吉阿巴泰。濟爾哈朗等。統之。先馳至農安塔地。林丹汗已圍奧巴所居格勒珠爾根城。數日。城守堅。不克。聞我師至。倉皇遁。圍遂解。初。喀爾喀眾貝勒。與我盟誓。征明。則并力同征。議和。則相約同和。

後背盟與明邀殺我斥候獻之受重賞又屢劫我使者財貨牲畜。

十一年四月丙子。

太祖率大貝勒征之丁丑出十方寺渡遼河精騎疾馳分兵八路並進先至其巴林部其貝勒囊弩克棄寨走四貝勒射之殪取其環屯七寨辛巳。

命諸貝勒率兵征錫喇穆倫。

諭曰馬力乏即還諸將未至其地而返三貝勒夜行相左至錫喇穆倫獲畜產無算癸卯巴林貝勒古爾布什所屬塔布囊拉班及其弟牙得勒格爾率百人來降是

皇朝藩部要略

卷之一

六 筠溪山房

月科爾沁貝勒奧巴來朝。

命諸貝勒出迎遇於開原中固城宴之至范河郊奧巴與諸貝勒迭爲宴。

太祖出城迎十里許行抱見禮同入城數賜宴優禮之奧巴請婚。

太祖以貝勒舒爾哈齊第三子台吉圖倫女妻之授和碩額駙越十餘日辭歸至渾河岸誓曰世不敢忘德若渝盟永罹災害。

上嘉其誠賜號土謝圖汗又

賜其兄圖美號岱達爾漢弟布達齊號札薩克圖杜稜。

和爾和岱號青卓哩克圖賞賚有差及歸。

太祖復率貝勒大臣送至蒲河之南岡。

諭曰爲惡而蒙天譴國乃滅亡爲善而蒙天佑國必昌熾總之主宰在天也當察哈爾兵至時科爾沁族眾多遁獨奧巴奮力拒戰故朕仰承天意賜今名以優異之冬十月乙酉大貝勒征札嚕特部以其劫奪我遣往科爾沁使臣先傳示其背盟之罪責之以書獲其貝勒巴克及其二子并拉什希布等十四人斬其貝勒鄂爾齊圖盡俘所屬人戶是月。

皇朝藩部要略

卷之一

七 筠溪山房

太祖遣楞額哩等以兵六百征巴林部驅哨焚原以張聲勢使與札嚕特不得相顧遂入巴林獲人口二百七十駝三十馬牛千餘羊二千餘丙寅凱旋十一月癸酉勞征札嚕特軍。

賜巴克鄂爾齊爾桑等衣服財物器用。

天聰元年正月有喀爾喀部人逃至者言察哈爾林丹汗興兵攻掠其部從者收之拒者被殺札嚕特巴林二部奔依科爾沁部二月。

太宗賜奈曼部長衮楚克書并令與克什克騰諸貝勒觀之四月衮楚克同敖漢部長索諾木杜稜及弟寨臣

卓哩克圖及察哈爾部濟農台吉遣使通款。奈曼者元太祖常滅奈曼部。其十九世孫額森偉微諾顏。因以爲所部號。

太宗復與書。六月辛亥。赦漢奈曼使人至。言其貝勒率眾來降。庚申。

太宗率諸貝勒統兵千五百人出翼日。

駐蹕都爾弼山岡。赦漢奈曼使人復至。上明與其部書。七月戊辰。

駕自都爾弼山岡渡遼河十里外。

駐蹕乙巳。袞楚克等至。

皇朝藩部要略

卷之一

八 筠溪山房

太宗出營迎之。率以拜天。乃升。

御坐。謂之曰。諸貝勒遠來勞苦。可勿拜。但互相抱見可也。袞楚克奏曰。異國歸命。蒙

鴻慈容納。敢不拜。趨前叩拜畢。

命造前抱見。次與諸貝勒序齒。出則攜饌以進。

命袞楚克坐於右。索諾木杜稜。塞臣卓哩克圖。坐於左。

台吉土謝圖。偕齊達爾漢。桑阿爾齋。鄂齊爾。都爾巴。分

坐於旁。

賜部長三人。雕鞍良馬各一。台吉五人。鞍馬各一。

高索諾木杜稜居開原。塞臣卓哩克圖還舊牧。嗣以索

諾木杜稜。私獵哈達葉赫山罪。仍奪開原地。奈曼地沃

宜。康熙三十七年冬。遣官往牧之。耕。論曰。

朕巡所經見。款漢及奈曼諸部。田土甚嘉。百穀可種。如

種穀多。獲則興。安嶺左右。無地可耕之人。就近貿易。取

糧不須入邊。市米矣。其向因種穀之地。不可牧馬。未嘗

墾耕者。令酌留草木之處。爲牧地。自兩不相妨。且牧漢

奈曼蒙古。以捕魚爲業。畝牧之引水灌田。彼亦易從。

凡百利益。於蒙古者。與辛未。部長恭進筵宴。冬十一月。

察哈爾部貝勒昂坤杜稜。攜妻子率眾來歸。

二年夏四月丙辰。宴喀爾喀巴林部長來歸者。秋七月。

喀喇沁部塔布囊蘇布地。遣喇嘛偕五百三十人來朝。

先是二月。蘇布地偕弟萬丹偉徵等。乞內附。表奏察哈

爾汗不道。喀喇沁被虐困。因與土默特鄂爾多斯。阿巴

皇朝藩部要略

卷之一

九 筠溪山房

喀喇沁喀爾喀諸部兵。於土默特部之趙城地。擊破察哈爾

兵四萬。師還。值其赴明。張家口請賞兵三千人。復殲之。

察哈爾根本動搖。機可乘如。

皇帝勦之。喀喇沁當先諸部至。

太宗命其先遣使臣來議。及是。果至。遂刑白馬烏牛。與

盟誓。喀喇沁者。元太祖大臣札爾楚泰子濟拉瑪之裔。

始附於明。爲朵顏三衛都督都指揮。九月。上親征察哈爾。先期傳檄諸部。會綽洛郭勒。赦漢奈曼。喀爾喀。札爾喀。喀喇沁。諸貝勒台吉。皆先後率兵來會。大破降之。而科爾沁土謝圖汗奧巴言。自於其部往攻。

之已而遽歸。惟台吉滿珠習禮及貝勒洪果爾之子巴敦力戰親以所俘獲來告。

賜滿珠習禮號達爾漢巴圖魯。巴敦號達爾漢卓哩克圖。十二月丁亥朔。札嚕特右翼貝勒色本來歸。色本因察哈爾侵掠。奔依科爾沁。科爾沁不能給。至是與其弟瑪尼偕來。

三年春正月。科爾沁土謝圖汗奧巴來朝。初伐察哈爾時。奧巴弗至會地。偕弟布達齊。私以兵掠察哈爾邊。又私與明市。

詔遣侍臣索尼以書詰責之。奧巴捧書震恐。力疾馳入。皇朝藩部要略卷之一

請罪。議罰駝馬各二十尋。

宥之。賜賚如前。六月丁卯。土默特部入貢駝馬等。且請率眾來附。冬十月辛未。會師至喀喇沁境。定議征明。九月甲辰。召外藩蒙古部長各率兵來會。巴林部馬多瘡論責之曰。朕諭爾等善養馬匹。勿輕騎用。以備征討。爾等違令嗜獵。致馬羸兵乏。從行何益。

命卻所貢諸札薩克議罪。應罰駝馬甲冑。詔免。十月癸丑。

太宗親統師啟行。以來朝喀喇沁台吉布爾哈圖。嘗受賞於明。識徑路為嚮導。柰曼。札嚕特。巴林部皆從。壬戌。

駐蹕遼河。

命總兵官副將追察哈爾部人逃奔明者。俘百人。獲駝馬牛羊等。丙寅。科爾沁土謝圖汗奧巴率其族圖美洪果爾烏克善等二十三台吉以兵來會。

四年二月己未。遣書與明議和。三月壬午。班師。是役也。自喀喇沁之青城入洪山口。克遵化。圍燕京。破良鄉。香河。焚通州。克永平。灤州。攻城轉戰。蒙古部多有功。攻燕京時。額駙恩格德爾兵小卻。札嚕特貝勒色本與其弟瑪尼奮擊敗之。始攻遵化。城札嚕特部阿海先登。無繼。陳亡。後遵化既克。分兵鎮守。明兵來攻。圍喀喇沁營。台皇朝藩部要略卷之一

土 筠蓀山房

吉布爾哈圖拒戰。破之。擒明副將丁啟明。又遊擊一都司二生員。一秋七月。喀喇沁土默特部來朝。十月。阿魯科爾沁四子部落內附。初。哈布圖哈薩爾十三世孫曰圖美尼雅哈齊有三子。長奎蒙克塔雅。哈喇。即嫩科爾沁。次巴袞諾顏。次布爾海。巴袞諾顏三子。長昆都倫岱青。號所部曰阿魯科爾沁。季諾延泰。四子。號四子部落。而布爾海裔。則號為烏喇特。其初與茂明安。翁牛特。阿巴噶。阿巴哈納爾。及喀爾喀內外札薩克統號阿魯蒙古。穆桑蒙古。謂山陰曰阿魯蓋是。請部先皆駐紮杭愛山之北也。五年夏四月丙午。罷征察爾哈兵。先是。調諸蒙古會師。

至三窟地。科爾沁部土謝圖汗奧巴奏言。蒙古馬不堪用。所發兵又少。宜俟馬壯大舉遂止。八月戊申。圍明大凌河。諸蒙古兵皆從。

六年。翁牛特部來歸。初元太祖弟謬楚因裔曰蒙克察罕諾顏。有二子。長巴延岱。洪果爾。號所部曰翁牛特。次巴泰。車臣諾顏。別號喀喇齊哩克。皆曰阿魯蒙古。自歸附後。止稱翁牛特。以喀喇齊哩克附之。不復冠阿魯舊名。夏四月戊辰朔。征察哈爾。先是五年十一月。聞察哈爾林丹汗侵掠阿魯科爾沁部。乃遣貝勒薩哈璘。豪格。率兵往援。

皇朝藩部要略

卷之一

主

筠溪山房

上親統師繼之。林丹汗遁。遂班師。至是大軍復發。辛未。駐蹕都爾弼地。喀喇沁土默特部長各率兵來會。丙子。次錫喇穆倫河岸。喀喇沁伊蘇特。札嚕特。敖漢。奈曼諸部。越二日。翁牛特。巴林。科爾沁三部皆率兵從。以諸部發兵少。觀望不前。

嚴責之曰。爾附近喀爾喀諸部。爲察哈爾侵掠。甚或離其妻孥。取其部曲。今朕興師伐之。正爾諸部奮志雪仇之期。何以轉惜馬匹。巴林色特爾。嗜飲無度。動輒托病。阿魯科爾沁。爲察哈爾所逐。來歸我國。朕屢令移牧近地。乃不遵朕旨。仍遠游牧。致被掠。屬國爲人所襲。朕猶

有憾。爾等躬罹其害。積怨宜深。當思藉朕力復仇。亦僅以一旅從征。何耶。時

詔諸步兵至。昭烏達會征。科爾沁土謝圖額駙奧巴如期至。

諭曰。朕以察哈爾林丹汗不道。整旅徂征。先期諭諸台吉等。以兵來會。今多寡不齊。遲速亦異。惟土謝圖額駙率兵甚多。又盡出所畜馬。給部眾。疾馳來會。具見立心誠懇。憂樂相同。朕甚嘉之。五月甲子。

駐軍歸化城。察哈爾林丹汗聞兵至。大懼。奔庫赫得爾蘇地。越二日。知林丹汗在喀喇莽鼯之左界。定議進征。

皇朝藩部要略

卷之一

主

筠溪山房

旣而窮追不見。賊時已近明境。遂征明。乃分兵攻明邊。巴林。札嚕特。喀喇沁。土默特。翁牛特。科爾沁諸部。從貝勒阿濟格左翼兵。掠明大同宣府邊外。初大軍駐歸化城。諸將往掠黃河左右。尋奏察哈爾蒙古前已渡河遁。不料我軍卽至。復渡河而歸。俘獲以千計。又科爾沁部奏近明界。察哈爾部人盡逃入沙河堡。六月丁卯朔。命大臣楊善率兵六千。偕所獲察哈爾通事一人往索之。又與各官書責其胥以逃人歸我。沙河堡各官得書。知兵至。大驚。凡逃入堡中蒙古男女三百二十餘人。及牲畜一千四百餘。紬緞布帛六千四百餘。悉以歸。辛未。

諸將領各籍所俘獲獻皆分給之其從察哈爾克什克騰部來歸及喀喇沁與新附呼爾哈等所俘獲者聽其自取克什克騰元太祖十八世孫沙喇勒達部名也尋許明和是月庚寅

移師駐宣府邊外我軍大市於張家口科爾沁部三人潛入明邊取牛羖以違令執爲首者斬明邊上從者各鞭一百貫耳秋七月庚申班師以六月所得沙河堡張家口財帛五之一

賜科爾沁土謝圖額駙奧巴餘量給從行諸將九月奧巴卒

皇朝藩部要略

卷之一

古

筠溪山房

上爲素服垂涕

諭侍臣曰凡人無益於國家雖屬姻戚朕未嘗痛惜若喀喇沁塔布囊蘇布地與土謝圖額駙皆最優之才臨陳每獨當一面長於謀議如此良臣何可再得曩時朕賜以元狐冠狐裘及金韉帶聞彼於彌留之際執韉帶泣曰昔從征察哈爾時我於上前欲衝陳先入人皆歡羨今不幸至此如養育之恩未報何其勇敢忠赤如此誠足助朕指臂也

遣宗室篇古額駙揚古利等致祭尋授其子巴達禮爲濟農襲土謝圖號冬

命大臣武巴率兵征烏札拉部武巴分八旗兵爲四路並驅渥赫河斬三百三十八人俘五百餘人獲馬三百七十貂狐狍獾孫獺貉虎狼等皮千餘張裘二十餘領七年正月乙卯征烏札拉部二月癸亥朔茂明安部長車根偕其從父固穆巴圖魯台吉達爾瑪岱衮烏巴什等舉部來歸行抱見禮車根元太祖弟哈布圖哈薩爾十七世孫也

賜宴及甲冑雕鞍銀器緞布諸物三月甲寅征明甯遠夏四月辛未擊敗明兵於遼河是時

皇朝藩部要略

卷之一

五

筠溪山房

喇沁部長固魯思奇布科爾沁部台吉烏克善綽爾濟額駙滿珠習禮來朝獻貂皮駝馬等

賜賚有差

八年春正月庚申赦漢李曼喀喇沁札噶特巴林烏喇特阿喇科爾沁翁牛特四子部落科爾沁諸部並以朝正至旣

賜賚之且定外藩禁令凡奪人婦配他人者罰駝馬五十其納婦者罰七九之數與原夫凡姦誘人婦逃者男婦俱論死其家產盡給原夫如部長不察治亦罰駝馬五十至盛甲無號帶馬匹無印牌及盛纓纓纓纓纓

不如制者俱論罪。二月己巳，浩齊特部台吉額琳臣塔布囊巴特瑪攜壯丁二百三十九人，婦女幼丁六百九十七口，駝二百馬四百，自喀爾喀部內附。

遣使迎宴。

賜甲冑雕鞍蟒服銀幣，其屬有先來歸者五十三戶，仍隸之。時有哈爾呼所屬之黑龍江濱頭目羌圖禮瑪爾罕率六姓六十七人亦來朝。浩齊特部元太祖十八世孫庫登汗裔也。庫登汗昆弟三人，曰庫克齊墨爾根台吉，即蘇尼特部祖；曰翁袞都喇爾台吉，即烏珠穆沁部祖；與察哈爾同族，爲所屬。以林丹汗不道，徙牧瀚海北。

皇朝藩部要略

卷之一

十六

筠溪山房

依喀爾喀故台吉等自其部來。五月丁未，征明。六月甲申，師次喀喇鄂博，先是。

命大臣阿什達爾漢伊拜往科爾沁部徵兵。伊拜還言，其部噶勒珠塞特爾與海賴布顏岱、伯谷壘、塞布壘等，讐言往取北方索倫部財賦，各率部眾叛去。巴達禮與從祖洪果爾從父布達齊從兄烏克善率兵追之。

上恐噶勒珠塞特爾等襲索倫。

詔盛京留守貝勒亟令索倫部來朝。頭目巴爾達齊者還備寇，索倫部遼裔也。

遣巴什克希福往科爾沁部。

諭巴達禮曰：法律所載，叛者必誅。爾等若擒獲諸亡者，欲誅則誅之，不誅而欲以爲奴者，聽喀喇沁土默特、巴林、索曼部長各率兵至。六月辛酉，札噶特、烏喇特、翁牛特、阿嚕科爾沁部長皆以兵會甲戌。

命貝勒德格類、大臣覺羅色勒、宗室芬古率兩翼旗兵，武訥格率左翼蒙古兵，偕巴林、札噶特、土默特諸部長，規取獨石口居庸關。乙亥，次博碩堆，希福還奏。科爾沁土謝圖濟農巴達禮等已追殺噶勒珠塞特爾。海賴布延岱、伯谷壘、塞布壘盡收其部下戶口。

諭曰：朕視諸台吉猶臂指然。今噶爾珠塞特爾等爲其

皇朝藩部要略

卷之一

十七

筠溪山房

族兄擒誅，猶傷吾指也。朕甚憫之，以其部班第塞本額古三人向懷二心，今與噶喇珠塞特爾等同叛，復盡收所屬人口。札賚特部長蒙袞、土默特部人明安達哩、科爾沁部長巴達禮、貝勒烏克善及棟古爾杜稜等各授一分，又分十戶並海賴家屬牲牧，與噶爾圖賴古止留五戶與三人。班第令隸洪果爾，塞本隸烏克善，額古隸棟果爾，棟果爾、洪果爾從子父明安，即初與葉赫諸部來侵者。棟果爾後從承政尼堪，由朝鮮征瓦爾喀有功，又從征明，敗總督洪承疇於松山，尋令噶爾圖賴古與洪果爾合爲一旗。甲戌，次喀喇鄂博。

命大貝勒代善貝勒薩哈璘碩託大臣葉克舒葉臣率兩紅旗兵阿岱率右翼蒙古兵偕敖漢奈曼烏喇特喀喇沁翁牛特諸部長規取得勝堡進征大同有敵兵三百自城潛出四子部落長鄂木佈追擊之俘其附明蒙古務巴什索諾木朗素等秋七月丙戌

駐軍宣府城東南科爾沁部長巴達禮及洪果爾布達齊烏克善滿珠習禮棟果爾等率兵五千來會己丑分軍四路入明邊期會於朔州

命貝勒阿濟格多爾袞多鐸大臣阿山伊爾登率兩旗兵偕翁牛特部新附察哈爾部圖巴濟農及諸宰桑自

皇朝藩部要略卷之一 大 鈞嶺山房

巴顏珠爾格地入龍門先是月壬午師次烏爾圖布拉克遇圖巴濟農率眾來歸即以從征八月癸亥

駐軍大同城南甲子以礮攻應州東南石家堡巴林部滿珠習禮與海桑館格噶達輝綽諾先登敵以大刀拒

擊綽諾力戰敗敵遂破其堡壬申科爾沁部長巴達禮與洪果爾布達齊烏克善敖漢部索諾木杜稜奈曼部

袞楚克喀喇沁部古嚕思奇布察哈爾部圖巴濟農等及杜爾伯特札賚特烏喇特郭爾羅斯四子部落諸部

各籍所俘獲以間聞八月庚寅班師以奈曼翁牛特部違令罪各罰駝

馬冬十月乙巳

遣大臣赴碩翁科爾定蒙古牧地疆界巴林部與鑲黃旗蒙古以克哩葉哈達瑚濟爾阿達克爲界翁牛特部與巴林以瑚喇琥護呼布里都爲界奈曼部與兩紅旗蒙古以巴噶阿爾和碩巴噶什噶蘇特爲界敖漢部與正黃旗蒙古以札噶蘇台囊家台爲界四子部落與鑲黃旗蒙古以杜穆達都騰格里克沃都爾台爲界阿魯科爾沁部與兩白旗蒙古以塔喇布拉克遜島爲界札魯特與正藍旗以諾綽噶爾多布圖鄂魯穆爲界既定界越者坐侵犯罪往來駐牧務會齊移動毋少參差其

皇朝藩部要略卷之一 尤 鈞嶺山房

分定地方戶口敖漢部一千八百奈曼部一千四百巴林部長色特爾八百台吉滿珠習禮八百札魯特部長

內齊二千巴圖魯圖巴二千四百五十阿魯科爾沁部長達賚車根塞稜各二千翁牛特部長遜杜稜濟農達

爾漢棟岱青各二千四子部落達爾漢圖們二千十二月辛丑宴察哈爾新附諸臣先是六年四月

上親征察哈爾過興安嶺至達勒鄂謨林丹汗驚竄渡黃河將奔唐古特部其臣民素苦其暴虐多不從從者

亦中路逃亡七年八月有烏日鷄鳩羣集遼東遼東素無此鳥乃西北蒙古所產其色淡黃形如鴿爪如人足

而有毛國人皆曰。蒙古之鳥來。必蒙古有歸附者。是年正月。

上聞察哈爾部眾流散於錫爾哈伯圖地。

命大臣巴思翰。巴海等。率兩翼蒙古兵。徵巴林喀喇沁。翁牛特。阿巴噶。諸部兵。會於都爾彌地。合征之。阿巴噶者。元太祖弟布格博勒格圖。十八傳至塔爾尼庫同。號所部曰阿巴噶。其弟曰諾密特默克圖。號所部曰阿巴

哈納爾。初皆服屬於察哈爾。後爲林丹汗所虐。徙牧瀚海北依喀爾喀車臣汗碩壘。六年。其部台吉奇塔特楚

琉爾。攜眾五百內附。是年。部長額爾德尼固圖。附車

皇朝藩部要略

卷之一

平

筠溪山房

臣汗碩壘。表貢方物。阿巴哈納爾部。至崇德七年。其部人和碩泰。託克託伊達等。始來歸。康熙五年。部長色稜。墨爾根。始內附。五月。庚寅。林丹汗之叔茂奇塔。前奔科爾沁者。來朝。時林丹汗已病死於大草灘。其部頭目宰桑台吉等。先後率五千餘戶來歸。壬辰。

命大臣額爾德尼囊。蘇哈爾松阿。同八旗前鋒將。各率兵百。往偵林丹汗子額爾克孔果爾。額哲。蹤蹟。丁酉。察哈爾阿蘇特部。男子十二人。婦人三。來歸。己亥。以察哈爾來歸各官。分隸旗。贈給之。辛亥。察哈爾四大宰桑。德森濟旺。噶爾瑪。巴圖魯濟農多爾濟。達爾漢諾顏多尼

庫魯克。率眾六千。奉汗妃。攜家口來歸。自七年九月至是月。近明界宰桑等。先後復攜五千戶至。是年。克什克騰部。長索諾木。茂明。安部。台吉。揚固海。杜稜。烏巴海。達爾漢。巴圖魯瑚稜。都喇勒。巴特瑪。額爾忻岱青。阿布泰。威。率屬來歸。索訥木。沙喇勒。達孫也。索諾木。弟曰巴本。曰圖壘。向皆服屬於察哈爾。至是。內附。烏巴海。達爾漢。巴圖魯。都喇勒。旋叛。逃喀爾喀。

遣兵由鄂諾河往。勦至阿古庫克特勒。斬叛屬千餘。追至喀木尼哈。盡俘以還。

九年。二月。丁丑。編內外喀喇沁蒙古壯丁。共一萬六千

皇朝藩部要略

卷之十

主

筠溪山房

九百五十三名。爲十一旗。喀喇沁部。長布蘇布地子古。噶思奇布。領五千二百十六人。爲一旗。土默特右翼部。長鄂木布楚琥爾。領一千八百二十六人。爲一旗。左翼善巴。與其族唐格爾。領二千一十名。爲一旗。其餘在內。舊喀喇沁。合舊蒙古。爲八旗。以大臣額駙領之。凡編丁。自年六十以下。十八以上。有隱匿者。事發治罪。其十家之長。罰馬二。其疲癯殘疾者。勿與。著爲令。五月。丙子。林丹汗子額爾克孔果爾。額哲。降。初。貝勒多爾濟。岳託。薩哈璘。豪格。統兵至黃河西。額哲所駐託里圖地。其母蘇泰福晉。爲葉赫貝勒錦台什女孫。因遣其弟南楚。偕同